

monon : *~o dependas de industrio k reciproke*. Vd BUDĜETO, BILANCO, KAPITALO, EKONOMIO. *~a*. Rilata al *~o* : *la ~aj malfacilaĵoj de la aŭtoro prokrastis la eldonon*. *~i* (x). *~e* subteni : *~i entreprenon, al entrepreno, propagandon, esploron*. *~isto*. Specialisto pri *~aj aferoj*, kondukanto de gravaj *~aj aferoj* (Kp KAPITALISTO, BANKISTO, BANKIERO. Vd ŜTELI).

* **Fingro**. 1 Ĉiu el la moveblaj ekstremajoj de la manoj k piedoj ĉe la homo k besto : *la dika Z, montra Z, longa Z, ringa Z, malgranda Z ~oj; marŝi sur la ~oj de la piedoj; (f) meli la ~on sur ion Z* (serĉante trafi ion); *oni tuŝas knazaŭ per ~o* (evidente vidas) *la ekonomian faktoron; bruligi siajn ~ojn* (f. kompromiti sin, sperti malagrablaĵojn. Kp LIPHARO) *en ia afero*. 2 Largo de *~o*, rigardata kiel proksimuma mezuro : *la kuglo pasis je du ~oj de lia vizaĝo; (f) ne estas eĉ duon~o da simileco Z*. *~ingo Z*. Ĉapeto, en kiun kudrante oni enmetas la ekstremajon de *~o* por ĝin firmi.

finialo ♣. Florsimila ornamo finanta pintaĵon.

* **Firma**. 1 Ne mola, ne cedanta sub la premo; konsistanta el forte kunigitaj eroj : *~a viando; ~a tero*. Kp DENSA, REZISTA. 2 Forte fiksita, neŝanceblebla : *~a paŝo Z, konstruaĵo, muro, apogilo; sidi ~e sur la selo* (Kp FORTIKA, SOLIDA, KOMPAKTA, STABILA. Vd MASONI). 3 (f) Certa, konstanta, malfacile ŝangebla : *~a situacio, ofico Z; ~a decido Z, volo B, karaktero; ~a voĉo Z; ~e elleni atakon; ~e starigita paco; tio ~igas la pacon, la kurajo, mian opinion; ~igi ĉe iu la opinion, ke... Z*. Kp KONSTANTA, DAŬREMA, PERSISTA, NESKUEBLA, NEROMPTEBLA. Vd KONFIRMI, GRUNDO, FERA.

* **Firmo**. 1 Nomo de komerca entrepreno, ekz. « Centra Esp-a Librejo ». 2 Komerca entrepreno mem : *konata fidinda ~o*.

firmamento. Ĉiela arkajo.

firsto ♣. La plej alta konvekso tegmentosupro. Kp EĜO, SUPRO. *~olinio*. Tegmenta suprolinio.

Fiska. 1 Ŝtata trezorejo, regna kaso. 2 Ŝtata administracio, kies tasko estas la

enkasigo de la impostoj. *~a*. Rilata al *~o* : *~a leĝo*.

* **Fistulo**. Daŭra absceso kun konstante fluanta puskanalet.

* **Fiŝo**. Vertebra besto, kun brankoj k naĝiloj, vivanta en akvo : *la manĝota ~o estas ankoraŭ en la rivero Z* (Kp NECERTA). *~isto*. Tiu, kiu bredas, kaptas aŭ vendas *~ojn*. *~(kapt)l, ~ĉasi* (tr). Provi kapti *~ojn* : *~kaptisto*. *~hoko*. Hoko por *~kapti*.

fitoterapio ☯. Kuracado per plantoj.

Fiziko. Scienco, kiu studas la proprecojn de la korpoj k la fenomenojn, kiuj okazas ĉe ili ne ŝangante ilian molekulan strukturon. *~a*. 1 Rilata al *~o* : *la ~aj leĝoj*. 2 Materia, korpa (kontraste al morala, spirita) : *~aj bezonoj; la ~a mondo; la ~a k morala flankoj; respondi al ĉiuj aparte estas por mi ~e neeble Z*.

fizlografio (Sc). Scienco pri lando laŭ la fizika rilato.

fiziologo = fiziologiisto.

Fiziologio. Scienco pri la organoj k funkcioj de la vivantaj estaĵoj.

Fizionomio. 1 Tuto de la vizaĝaj trajtoj kun ilia esprimo : *plaĉa ~o; dankoplena ~o; ~o de jeliĉulo*. 2 (f) Karakteriza aspekto de iu afero : *ĉiu popolo havas sian apartan ~on; priskribi la ~on de proceso, de urbo, de lando; Esp-o havas sian propran spiriton k ~on Z; la traduko bedaŭrinde ŝanĝis la ~on de la verko; la homoj plej volonte akceptas la proponojn, kiuj havas instruitan (sciencan) ~on Z*.

fizioterapio (Sc). Scienco pri la kuracado per fizikaj faktoroj : *helioterapio, hidroterapio, aeroterapio* ktp.

Fjordo. Mallarĝa, longa k tre profunda golfo, kies bordoj estas krutaj : *~oj de Norvegujo*.

* **Flago**. Peco de kolorita tolo, adaptita al stango, kiu servas kiel ornamo en festoj aŭ por fari signalojn : *la esp-a ~o; la ŝipoj elmetis la ~ojn*. Kp STANDARD. *~l*. Ornamis : *diverskolore ~itaj ŝipoj Z*.

Flagri (ntr). 1 Eligi tremantan rapide movigantan flamon : *la flamo de la kandelo ~adis en la aerblovo Z; ~antaj torĉoj; de tempo al tempo la flamo ek~adis en la lanterno Z; granda vento komencis*